



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CXIV. Kurfürst Joachim II. bestätigt den Kietzern bei Spandow ältere Privilegien des Markgrafen Jobst und Johann des Alchimisten, so wie des Kurfürsten Joachim I. am 1. Oktober 1562.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CXCIV. Kurfürst Joachim II. bestätigt den Kiezern bei Spandow ältere Privilegien des Markgrafen Jobst und Johann des Alchimisten, so wie des Kurfürsten Joachim I., am 1. October 1562.

Wir Joachim, von Gottes gnaden Marggraff zu Brandenburgk, des heyllichen Rom. Reichs Ertzcammerer vndt Churfürst zu Stettin, Pommern, der Casubenn, Wenden vnd in Schlesiens zu Croßen Hertzogk, Burggraff zu Nürberg vnd Fürst zue Rügen, Bekennen —, Das vnser Liebe getruwen die gemeine Kietzer, aufm Kietze, von vnser Stadt Spandow vns zwene gesiegelte Pargament briefe fürbringen lassen, Einer von den Hochgebornen Fürsten, Herren Johansen, Marggraffen zu Brandenburgk vndt Churfürsten vnserm gnedigen vndt freundlichen Lieben Herrn vndt Eltervater Löblicher gedechtnus ausgangen, Darinnen Sie dieselben Kietzer aussondern gnaden, mit dem Kleinen vndt grofsen Rohrbruch, gnedichlich begabet, Ihnen auch den alten Brief vndt priuilegium von edlen Marggraffen Jobsten, Gottfelige jhnen gegeben, Confirmiret vndt bestetiget hat, Das Datum stehet Sontages nach Viti im vierzehnhundersten vndt ein vndt dreisigsten Jhare, der Ander von dem Hochgebornen Fürsten, Herrn Joachim, Marggraffen zu Brandenburgk auch Churfürsten vnserm gnedigen vndt freundlichen lieben Herrn vndt vatern, auch Gottfeliger gedechtnus gegeben, des Datum stehet Donnerstages nach der heyligen drei König tage im funfzehenden jhare, Darinnen S. G. Marggraff Jobst vndt Marggraff Johans fehliger gedechtnus gegebene priuilegia Brieffe vndt vorträge Confirmiret vndt bestetiget hatt, Darauf vns dan die obberurte Kiezer vnntertheiniges vleifses gebeten, Das wir als der Landes Fürst, Ihnen solche obgenannte Brieffe, von den obgemelten Fürsten ausgangen, auch gnedichlich Confirmiren vndt bestetigen Soltten; So haben Wir angefehen Ihr vnntertheinig vndt vleiflich bitte, vnd haben jhnen dieselben auch gnedichlich Confirmirt vndt bestetiget —. Vhrkundlichen mit vnserm anhangenden Insiegell vorfiegelt vndt gegeben zu Colln an der Sprew, Donnerstages nach Michaelis, Christi vnser lieben Herren geburth im Fünfzeh hundersten vndt zwey vndt Sechszigsten Jahre.

Aus einer alten Copie.

CXCV. Kurfürst Joachim II. überläßt das Kloster zu Spandow seinem Diener Caspar von Klitzing auf Lebenszeit.

Von gottes gnaden Wir Joachim, Marggraff zu Brandenburgk, Bekennen hiemit vnd thun khundt vor vns, vnser erben vnd nachkommen, Das Wir vnsern Diener vnd lieben getreuen Casparn von klitzing vmb seiner treuen Dinste Willen, so er vns gethan vnd hinfuro thun magk, das Junckfrauen kloster vor Spandow vf sein lebenslangk vorgendermassen vorschrieben vnd eingethan haben, also das er benannt Junckfrauen kloster die Zeit seins lebens mit allen zugehörigen nutzungen, an pachten, zinsen, dinsten, gerthen, fischereien, dorffern vnd allen andern gerechtigkeiten Innehaben, gebrauchen vnd halten soll, doch nicht anders noch weiter, den wie es die vho-